

VENDIM
Nr. 708, datë 26.8.2015

**PËR LLOJET, PERIODICITETIN DHE MËNYRËN E RAPORTIMIT TË TË
DHËNAVE STATISTIKORE PËR AFTËSINË E KUFIZUAR NGA STRUKTURAT
SHTETËRORE PËRGJEGJËSE, NË NIVEL QENDROR DHE VENDOR**

(ndryshuar me VKM nr. 411, datë 19.6.2019)

Në mbështetje të pikës 4, të nenit 100, të Kushtetutës dhe të pikës 2, të nenit 17, të ligjit nr. 93/2014, “Për përfshirjen dhe aksesueshmërinë e personave me aftësi të kufizuara”, me propozimin e ministrit të Mirëqenies Sociale dhe Rinisë, Këshilli i Ministrave

VENDOSI:

1. Institucionet e pavarura, institucionet e administratës shtetërore, bashkitë dhe qarqet mbledhin të dhëna statistikore për aftësinë e kufizuar, sipas fushave ku operojnë, me qëllim hartimin, përmirësimin dhe zbatimin e politikave në mbështetje të programeve të aksesit dhe të përfshirjes së personave me aftësi të kufizuara.

2. Mbledhja dhe ruajtja e të dhënave nga institucionet, sipas pikës 1, të këtij neni, duhet të jenë në përputhje me parashikimet ligjore për mbrojtjen e të dhënave, për garantimin e konfidencialitetit dhe për respektimin e jetës private të tyre. Këto të dhëna janë të aksesueshme nga personat me aftësi të kufizuara.

3. Institucionet e pavarura, bazuar në funksionimin e tyre, i dërgojnë, periodikisht, sekretariatit teknik për aftësinë e kufizuar, në Këshillin Kombëtar për Aftësinë e Kufizuar, krijuar pranë ministrisë që mbulon çështjet e aftësisë së kufizuar, të dhënat statistikore për aftësinë e kufizuar.

4. Institucionet e administratës shtetërore, bazuar në funksionimin e tyre, i dërgojnë, periodikisht, sekretariatit teknik për aftësinë e kufizuar, në Këshillin Kombëtar për Aftësinë e Kufizuar, të dhënat statistikore për aftësinë e kufizuar, sipas aneksit 1, bashkëlidhur këtij vendimi.

5. Bashkitë u dërgojnë, periodikisht, nëpunësve që mbulojnë çështjet e aftësisë së kufizuar, në qarkun përkatës, të dhënat statistikore për aftësinë e kufizuar, sipas aneksit 1, bashkëlidhur këtij vendimi.

6. Qarku përpunon të dhënat statistikore për aftësinë e kufizuar, të përcjella nga bashkitë, pjesë e tij, dhe ia përcjell ato, periodikisht, sekretariatit teknik për aftësinë e kufizuar, në Këshillin Kombëtar për Aftësinë e Kufizuar.

7. Ministria, që mbulon çështjet e aftësisë së kufizuar, përpunon të dhënat e grumbulluara, nëpërmjet sekretariatit teknik për aftësinë e kufizuar, të Këshillit Kombëtar për Aftësinë e Kufizuar.

8. Ministria, që mbulon çështjet e aftësisë së kufizuar, monitoron përditësimin progresiv të të dhënave, sipas treguesve të përcaktuar në aneksin 1, bashkëlidhur këtij vendimi, dhe i publikon ato në faqen zyrtare të internetit. Të dhënat janë pjesë e raportit që sekretariati teknik dërgon te të gjithë anëtarët e Këshillit Kombëtar të Aftësisë së Kufizuar.

9. Sekretariati teknik për aftësinë e kufizuar i dërgon të dhënat e mbledhura dhe të përpunuara, sipas pikave 3–8, të këtij vendimi, në Institutin e Statistikave (INSTAT).

10. Instituti i Statistikave bën anketime të dedikuara për çështjet e aftësisë së kufizuar. Rezultatet e anketimeve i bën publike dhe informon, zyrtarisht, ministrinë që mbulon çështjet e aftësisë së kufizuar dhe Këshillin Kombëtar për Aftësinë e Kufizuar.

11. Ngarkohet *ministra përgjegjëse për aftësinë e kufizuar* për ndjekjen e zbatimit të këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama

ANEKSI 1
TREGUESIT PËR AFTËSINË E KUFIZUAR SIPAS FUSHAVE
(ndryshuar me VKM nr. 411, datë 19.6.2019)

Nr.	Lloji i statistikave	Institucioni përgjegjës	Periodiciteti
I.	Edukimi		
1	Numri i nxënësve me aftësi të kufizuara që frekuentojnë arsimin parashkollor. Të ndarë sipas: - llojit të aftësisë së kufizuar; - gjinisë; - moshës; - vendbanimit (urbane/rurale); - nevojës për mbështetje (nëse kanë nevojë për mësues ndihmës ndihmës), të vlerësuar nga komisionet multidisiplinare	Ministria e Arsimit, Sportit dhe Rinisë	2 herë në vitin shkollor nëntor–maj
2	Numri i nxënësve me aftësi të kufizuara që frekuentojnë arsimin e detyruar. Të ndarë sipas: - llojit të aftësisë së kufizuar; - gjinisë; - moshës; - vendbanimit (urbane/rurale); - nevojës për mbështetje ((nëse kanë nevojë për mësues ndihmës), të vlerësuar nga komisionet multidisiplinare.	Ministria e Arsimit, Sportit dhe Rinisë	2 herë në vitin shkollor nëntor–maj
3	Numri i nxënësve me aftësi të kufizuara që frekuentojnë arsimin e mesëm. Të ndarë sipas: - llojit të aftësisë së kufizuar; - gjinisë; - moshës; - vendbanimit (urbane/rurale); - tipit të shkollës (e përgjithshme/profesionale/të veçanta.	Ministria e Arsimit, Sportit dhe Rinisë, Ministria e Financave dhe Ekonomisë dhe Ekonomisë	2 herë në vitin shkollor nëntor–maj
4	Numri i nxënësve me aftësi të kufizuara që frekuentojnë arsimin e lartë. Të ndarë sipas: - llojit të aftësisë së kufizuar; - gjinisë; - moshës; - vendbanimit (urbane/rurale); - nivelit (<i>bachelor / master</i>) - nivelit (<i>bachelor/master</i>).	Ministria e Arsimit, Sportit dhe Rinisë	2 herë në vitin shkollor nëntor–maj

5	Numri i nxënësve me aftësi të kufizuara që kanë ndërprerë arsimimin. Të ndarë sipas nivelit të arsimit (arsimi bazë, arsimi i mesëm i lartë): - llojit të aftësisë së kufizuar; - gjinisë; - moshës; - vendbanimit (urbane/rurale) - shkakut të ndërprerjes.	Ministria e Arsimit, Sportit dhe Rinisë	Vjetore
6.	Numri i nxënësve me aftësi të kufizuara që përfundojnë shkollën fillore. Të ndarë sipas: - llojit të aftësisë së kufizuar; - gjinisë; - vendbanimit (urbane/rurale).	Ministria e Arsimit, Sportit dhe Rinisë	Vjetore
7.	Numri i nxënësve me aftësi të kufizuara që përfundojnë 9-vjeçaren. Të ndarë sipas: - llojit të aftësisë së kufizuar; - gjinisë; - moshës; - vendbanimit (urbane/rurale).	Ministria e Arsimit, Sportit dhe Rinisë	Vjetore
8.	Numri i nxënësve me aftësi të kufizuara që përfundojnë shkollën e mesme. Të ndarë sipas: - llojit të aftësisë së kufizuar; - gjinisë; - moshës; - vendbanimit (urbane/rurale); - tipit të shkollës (e përgjithshme/profesionale/të veçanta).	Ministria e Arsimit, Sportit dhe Rinisë, Ministria e Financave dhe Ekonomisë	Vjetore
9.	Numri i nxënësve me aftësi të kufizuara të diplomuar. Të ndarë sipas: - llojit të aftësisë së kufizuar; - gjinisë; - moshës; - vendbanimit (urbane/rurale); - nivelit (<i>bachelor/master</i>).	Ministria e Arsimit, Sportit dhe Rinisë, Bashkia	Vjetore
10.	Numri i mësuesve që kanë marrë kualifikime për aftësinë e kufizuar: - numër fizik; - përqindje/kundrejt totalit.	Ministria e Arsimit, Sportit dhe Rinisë	Vjetore
11.	Numri i shkollave që kanë psikologë: - kohë të plotë; - kohë të pjesshme.	Ministria e Arsimit, Sportit dhe Rinisë	Vjetore
12.	Numri i nxënësve me aftësi të kufizuara që shoqërohen nga prindërit gjatë kohës së mësimi	Ministria e Arsimit, Sportit dhe Rinisë	Vjetore

13.	Numri i shkollave 9-vjeçare/ të mesme/profesionale të aksesueshme për: - fëmijë në karrige me rrota; - fëmijë të verbër.	Ministria e Arsimit, Sportit dhe Rinisë, Bashkia	Vjetore
14.	Numri i nxënësve që nuk dëgjojnë që frekuentojnë shkollën e mesme - të përgjithshme; - profesionale të orientuar; - sipas gjinisë.	Ministria e Arsimit, Sportit dhe Rinisë, Ministria e Financave dhe Ekonomisë	Vjetore
15.	Numri i aktiviteteve sportive ku përfshihen Personat me Aftësi të Kufizuar.	Ministria e Arsimit, Sportit dhe Rinisë, Bashkia	Vjetore
16.	Numri i institucioneve sportive të aksesueshme për Personat me Aftësi të Kufizuar.	Ministria e Arsimit, Sportit dhe Rinisë, Bashkia	Vjetore
II	Shëndetësia		
17	Numri i fëmijëve me aftësi të kufizuara të konstatuara në lindje. Të ndarë sipas: - llojit të aftësisë së kufizuar; - gjinisë; - vendbanimit (urbane/rurale).	Ministria e Shëndetësisë dhe Mbrojtjes Sociale,	Vjetore
18.	Numri i fëmijëve me autizëm të diagnostikuar nga institucionet shëndetësore. Të ndarë sipas: - grup-moshës; - gjinisë; - vendbanimit (urbane/rurale).	Ministria e Shëndetësisë dhe Mbrojtjes Sociale	Vjetore
19.	Numri i fëmijëve me autizëm që marrin trajtim në institucione të specializuara. Të ndarë sipas: - grupmoshës; - gjinisë; - vendbanimit (urbane/rurale).	Ministria e Shëndetësisë dhe Mbrojtjes Sociale, Bashkia	Vjetore
20.	Numri i personave me aftësi të kufizuara mendore që marrin trajtim në institucione shëndetësore. Të ndarë sipas: - grup-moshës; - gjinisë; - vendbanimit (urbane/rurale)	Ministria e Shëndetësisë dhe Mbrojtjes Sociale	Vjetore
21	Numri i qendrave shëndetësore parësore të aksesueshme (urbane/rurale).	Ministria e Shëndetësisë dhe Mbrojtjes Sociale, Bashkia	Vjetore
22.	Numri i spitaleve të aksesueshme	Ministria e Shëndetësisë dhe Mbrojtjes Sociale, Bashkia	Vjetore
III.	Drejtësia		
23	Numri i personave me aftësi të kufizuar që përfitojnë nga ndihma ligjore falas Të ndarë sipas: - grup-moshës; - gjinisë; - vendbanimit (urbane/rurale).	Ministria e Drejtësisë	Vjetore

24.	Numri i personave me aftësi të kufizuar (PAK) që aplikojnë për të përfituar ndihmë ligjore falas. Të ndarë sipas: - grup-moshës; - gjinisë; - vendbanimit (urbane/rurale).	Ministria e Drejtësisë	Vjetore
25.	Numri i institucioneve të drejtësisë të aksesueshme për personat me aftësi të kufizuar.	Ministria e Drejtësisë	Vjetore
26.	Numri i proceseve gjyqësore ku janë të përfshirë Personat me Aftësi të Kufizuar. Të ndarë sipas: - paditës; - i paditur.	Ministria e Drejtësisë	Vjetore

IV. Strehimi/zhvillimi urban/infrastruktura/transporti

27	Numri i banesave të aksesueshme, të ndërtuara nga Enti Kombëtar i Banesave.	Ministria e Financave dhe Ekonomisë, Enti Kombëtar i Banesave	Vjetore
28.	Numri i aplikimeve të bëra nga personat me aftësi të kufizuar për procedurë legalizimi.	Agjencia Shtetërore e Kadastrës	Vjetore
29.	Numri i personave me aftësi të kufizuar përfitues nga ligji për legalizimin.	Agjencia Shtetërore e Kadastrës	Vjetore
30.	Numri i stacioneve dhe i mjeteve të transportit qytetës të aksesueshme për personat me aftësi të kufizuar.	Bashkia	Vjetore

V. Punësimi

31.	Numri i personave me aftësi të kufizuar të regjistruar si punëkërkuar të papunë pranë zyrave të punësimit.	Ministria e Financave dhe Ekonomisë	6-mujore
32.	Numri i personave me aftësi të kufizuar të punësuar nga zyrat e punësimit.	Ministria e Financave dhe Ekonomisë	6-mujore
33.	Numri i personave me aftësi të kufizuar të punësuar në subjekte private, ndarë sipas gjinisë.	Ministria e Financave dhe Ekonomisë	6-mujore
34.	Numri i personave me aftësi të kufizuar të punësuar nga programi specifik për nxitjen e punësimit të PAK-ut, ndarë sipas gjinisë.	Ministria e Financave dhe Ekonomisë	6-mujore
35.	Fondi i shpenzuar për punësimin e PAK-ut, nga programi specifik për nxitjen e punësimit.	Ministria e Financave dhe Ekonomisë	Vjetore
36.	Numri i zyrave të punësimit të aksesueshme për personat me aftësi të kufizuar.	Ministria e Financave dhe Ekonomisë	Vjetore
37.	Numri i qendrave të arsimit profesional të aksesueshme për personat me aftësi të kufizuar.	Ministria e Financave dhe Ekonomisë	Vjetore

38.	Numri i personave me aftësi të kufizuar që ndjekin kurse profesionale. Të ndarë sipas: - grup-moshës; - gjinisë; - vendbanimit (urbane/rurale); - llojit të kursit profesional.	Ministria e Financave dhe Ekonomisë	Vjetore
39.	Numri i personave me aftësi të kufizuar që punësohen pas përfundimit të kurseve profesionale.	Ministria e Financave dhe Ekonomisë	Vjetore
VI	Kultura		
40			
41			
42			
40.	Numri i institucioneve dhe i objekteve të kulturës të aksesueshme për Personat me Aftësi të Kufizuar.	Ministria e Kulturës Bashkia	Vjetore
41.	Numri i aktiviteteve kulturore ku janë të përfshirë Personat me Aftësi të Kufizuar.	Ministria e Kulturës Bashkia	Vjetore
42.	Numri i artistëve me aftësi të kufizuara. Të ndarë sipas: - grup-moshës; - gjinisë.	Ministria e Kulturës Bashkia	Vjetore